

Representanten **Jana Midelfart Hoff (H)** stilte følgjande spørsmål til hovudutvalet:

«Vestland Fylke har tatt initiativ til å kjøpe inn engangsmunnbind til sine videregående skoler i forbindelse med pågående pandemi. I prinsippet stiller Høyre seg positiv til dette, men er blant annet bekymret for negativ miljøpåvirkning av engangsmunnbind

SPØRSMÅL:

- Kan administrasjonen redegjøre for prosessen vedrørende innkjøp av engangsmunnbind, om det var anbudsrunde og hvilke overveielser i forhold til bærekraft og miljøavtrykk som ble gjort?
- Ble det på noe tidspunkt vurdert å inngå samarbeid med lokalt næringsliv, slik at man kunne bidra til utvikling av helserelatert næringsvirksomhet på Vestlandet?»

Fylkesdirektør innovasjon og næringsutvikling gav følgjande svar:

Prosesen med innkjøp av munnbind vart iverksett med bakgrunn i tilråding frå utdanningsdirektoratet jmf. «Veileder om smittevern for videregående skole» Smitteforebyggende tiltak (udir.no) publisert den 24.03.2021.

Fylket hadde på dette tidspunktet fleire skular på gult og rødt tiltaksnivå og det var behov for å raskt få på plass eit beredskapslager av munnbind for å kunne bidra til å sikre mest mogeleg normal drift ute på skulane.

I samband med innkjøpsprosessen vart det vart førespurt to leverandørar; Staples og Norengros, som begge er eksisterande rammeavtaleleverandørar til VLFK og som begge kunne tilby munnbind. Med bakgrunn i pristilboda vi mottok vart det beslutta at bestillinga skulle skje via Staples. Det vart totalt bestilt 964.000 medisinske munnbind til skulane.

Angående aktuelle vurderingar kring miljø og bærekraft vart det vurdert å gå til innkjøp av tøy-munnbind. Prisen på desse var ca. 15 gonger så høg som medisinske munnbind, og det var også 5 vekers leveringstid. I tillegg vurderte vi det slik at dei relativt omfattande hygieniske anbefalingane frå FHI når det gjeld både vasking og korrekt bruk og handtering av tøy-munnbind ville kunne by på utfordringar, og at det ville vere behov for å kjøpe inn eit relativt stort antal pr. elev for å sikre at det ville vere mogeleg å etterleve desse anbefalingane praksis.

Vi vurderte det slik at bruk av tøy-munnbind ville kunne verte aktuelt på eit seinare tidspunkt dersom vi såg at behovet for munnbind ville utvikle seg til å bli meir omfattande og langvarig.

Det har i samband med bruk av medisinske munnbind ute på skulane vorte sett opp ekstra avfallsdunkar.

Når det gjeld spørsmål om grunnlag for eit potensielt samarbeid med lokalt næringsliv vart dette ikkje vurdert på tidspunktet. Situasjonen som oppstod i samband med publiseringa av rettlaiaren frå UDI og vurderingane vi gjorde knytt til tid/nytte i forbindelse med bruk av munnbind sett opp mot den situasjonen fleire av skulane stod i på tidspunktet gjorde at vi ønska å få på plass eit beredskapslager så snart som mogeleg. Etter å ha avklara at VLFK allereie hadde to eksisterande rammeavtaleleverandørar som begge kunne tilby munnbind og allereie hadde desse lagerført, vart kun desse leverandørane førespurde.